



Bentiaraq Ottosen
Atassut

UKA 2023/22
05. oktober 2023

Uunga siunnersuut Imigassat ilaannut Kalaallit Nunaanni immiorneqartunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaat
(Imigassat ethanolimik akullit Kalaallit Nunaanni immiorneqartut ullussaminnik qaangiisimasut akuiarneqarneranut akitsuummik utertitsineq)

(Aningaasaqarnermut Akileraartarnermullu Naalakkersuisoq)

Siullermeerneqarnera

Imigassat suulluuniit nunatsinnut januar-ip aallaqqaataani 2024 eqqussorneqartussat akitsuusersugaanerisa pitsaanerusumik akitigut unammilleqatigiittumik inissisimanissai pingaaruteqarpoq. Assersuutigineqarsinnaavoq imigassaq qillertuusamiittoq akimigut naleqquttumik inissisimanissaa pillugu akitsuusiisoqarumaarluni, taamatut iliuuseqarneq ullumikkorniit akisunerunninnissaa isumaqarfigaara. Taamaasiornikkut unammilleqatigiinneq ingerlasinnaaqqullugu akiviusoq qaffasissumik inissisimalernissaa pinngitsoortinniarlugu.

Naalakkersuisut saqqummiussaqaqput tamatuminnga imigassat ilaannut immiorneqartartunut akitsuutit pillugit. Aaqiisoqassatillugu imigassat qillertuusat avataaniit tikittalertussat tassa taakkupput siunissami atorneqartalertussat, uanilu eqqaamaqqaqput pinngitsoorani imigassat avataaniit tikittut minnerpaaffiliinikkut akitsuusersugaanissaat. Isumaqaqput annerusumik akitsuusersugaalissappata mianernarsinnaasoq tamatsinnut, avataaniit imigassat qillertuusat il. Ilanngullugit minnerpaaffigiliiniikkut akitsuusersugaanissaat piumasaraqput, tassani qulakkeerumallugu pisiniarfiit assigisaallu akigititamik annerusumik akilersitsinninnissaat.

Atassummiit pingaartutut isigilluinnarparput kikkut tamat unammilleqatigiinneq pigisariaqaraat, arlaannataluunniit kisermaasilluni pinnginnissaa siunertaralugu. Uani pineqartut aamma namminersortutut inuuniutigineqartuupput, taakkua aammaarluta Naalakkersuisunut kaamattuutigaarput unammilleqatigiinneq anguniarlugu nunatsinni ingerlasoqartariaqarmat.

Una siunnersuut ataatsimiititaliamut susassaqartumut innersuupparput.